

ВЕЛИКАЯ РОЖДЕСТВЕНСКАЯ ВЕЧЕРНЯ.

ЧАС ДЕВЯТЫЙ:

Иерей: Благословен Бог наш, всегда, ныне и присно и во веки веков.

Чтец: Аминь. Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

ТРИСВЯТОЕ ПО ОТЧЕ НАШ:

Чтец: Святыи Боже, Святыи Крепкий, Святыи Безсмертный, помилуй нас. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да приидет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Хор: Аминь. Господи, помилуй *(12 раз)*

Слава Отцу и Сыну и Святому Духу, и ныне и присно и во веки веков. Аминь.

Приидите, поклонимся Царю нашему Богу.

Приидите, поклонимся и припадём Христу, Царю нашему Богу.

Приидите, поклонимся и припадём Самому Христу, Царю и Богу нашему.

ПСАЛОМ 83:

Коль возлюбленна селения Твоя, Господи сил! Желает и скончается душа моя во дворы Господни, сердце мое и плоть моя возрадовастася о Бозе живе. Ибо птица обрете себе хramину, и горлица гнездо себе, идеже положит птенцы своя, олтари Твоя, Господи сил, Царю мой и Боже мой. Блажени живущии в дому Твоем, в веки веков восхвалят Тя. Блажен муж, емуже есть заступление его у Тебе; восхождения в сердце своем положи, во юдоль плачевную, в место еже положи, ибо благословение даст законополагаяй. Пойдут от силы в силу: явится Бог богов в Сионе. Господи Боже сил, услыши молитву мою, внуши, Боже Иаковль. Защитниче наш, виждь, Боже, и призри на лице христа Твоего. Яко лучше день един во дворех Твоих паче тысяч: избволих приметатися в дому Бога моего паче, неже жити ми в селениих грешничих. Яко милость и истину

любит Господь, Бог благодать и славу даст, Господь не лишит благих ходящих незлобием. Господи Боже сил, Блажен человек уповаяй на Тя.

Псалом 84:

Благоволіл есі, Господи, землю Твою, возвратіл есі плен Иаковль: оставил есі беззакония людей Твоих, покрыл есі вся грехи их. Укротил есі весь гнев Твой, возвратился есі от гнева ярости Твоея. Возврати нас, Боже спасений наших, и отврати ярость Твою от нас. Еда во веки прогневаешия на ны? Или простреси гнев Твой от рода в род? Боже, Ты обращаешься оживиши ны, и людие Твой возвеселятся о Тебе. Яви нам, Господи, милость Твою, и спасение Твое даждь нам. Услышу, что речет о мне Господь Бог: яко речет мир на люди Своя, и на преподобныя Своя, и на обращающыя сердца к Немю. Обаче близ боящихся Его спасение Его, вселити славу в землю нашу. Милость и истина сретостеся, правда и мир облобызастеся. Истина от земли возсия, и правда с Небес приниче, ибо Господь даст благодать, и земля наша даст плод свой. Правда пред Ним предидет, и положит в путь стопы своя.

Псалом 85:

Приклони, Господи, ухо Твое и услыши мя, яко нищ и убог есмь аз. Сохрани душу мою, яко преподобен есмь; спаси раба Твоего, Боже мой, уповающего на Тя. Помилуй мя, Господи, яко к Тебе воззову весь день. Возвесели душу раба Твоего, яко к Тебе взях душу мою. Яко Ты, Господи, благ, и кроток, и многомилостив всем, призывающим Тя. Внуши, Господи, молитву мою и вонми гласу моления моего. В день скорби моея возвах к Тебе, яко услышал мя еси. Несть подобен Тебе в бозех, Господи, и несть по делом Твоим. Все языцы, елики сотворил еси, придут, и поклонятся пред Тобою, Господи, и прославят Имя Твое, яко велий еси Ты и твориши чудеса, Ты еси Бог един. Настави мя, Господи, на путь Твой, и пойду во истине Твоей: да возвеселится сердце мое бояться Имене Твоего. Исповемся Тебе, Господи Боже мой, всем сердцем моим и прославлю Имя Твое в век. Яко милость Твоя велия на мне, и избавил еси душу мою от ада преисподнейшаго. Боже, законопреступницы восташа на мя, и сонм державных взыскаша душу мою и не предложаша Тебе пред собою. И Ты, Господи Боже мой, щедрый и милостивый, долготерпеливый, и многомилостивый, и истинный, призри на мя и помилуй мя, даждь державу Твою отроку Твоему и спаси сына рабы Твоея. Сотвори со мною знамение во благо, и да видят ненавидящии мя и постыдятся, яко Ты, Господи, помог ми и утешил мя еси.

Сотвори со мною знамение во благо, и да видят ненавидящии мя и постыдятся, яко Ты, Господи, помог ми и утешил мя еси.

Слава Отцу и Сыну и Святому Духу и ныне и присно и во веки веков. Аминь.

Аллилуйя, аллилуйя, аллилуйя, слава Тебе, Боже. (Трижды)

Господи помилуй. (Трижды)

Слава Отцу и Сыну и Святому Духу.

ТРОПАРЬ ПРАЗДНИКА, ГЛАС 4:

Рождество Твое, Христэ Боже наш, / возсия миру свет разума, / в нем бо звездам служащий / звездою учахуся / Тебе кланяться, Солнцу Правды, / и Тебе ведети с высоты востока. // Господи, слава Тебе.

И ныне и присно и во веки веков. Аминь.

Иже нас ради рождёйся от Девы / и распятие претерпёв, Благий, / испровергий смертью смерть и воскресение явлёй яко Бог, / не презри, яже создал еси рукою Твоею. / Яви человеколюбие Твое, Милостиве. / Приими рождшую Тя Богородицу, молящуюся за ны. // И спаси, Спасе наш, люди отчаянные.

Не предаждь нас до конца Имене Твоего ради, / и не разори завета Твоего, / и не остави милости Твоея от нас / Авраама ради, возлюбленного от Тебе, / и за Исаака, раба Твоего, / и Израиля, святого Твоего.

ТРИСВЯТОЕ ПО ОТЧЕ НАШ:

Чтец: **Святый Боже, Святый Крепкий, Святый Безсмертный, помилуй нас. (Трижды)**

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (Трижды)

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: **Яко Твое есть Царство и сила и слава Отца и Сына и Святого Духа, ныне и присно и во веки веков.**

Хор: **Аминь.**

КОНДАК ПРАЗДНИКА, ГЛАС 3:

Дева днесь Пресущественнаго раждает, / и земля вертеп Неприступному приносит. / Ангели с пастырьми славословят, / волсви же со звездою путешествуют: // нас бо ради родися Отроча Младо, Превечный Бог.

Господи, помилуй. (40 раз)

Иже на всякое время и на всякий час, на Небеси и на земли, покланяемый и славимый, Христэ Бóже, Долготерпеливе, Многомилостиве, многоблагуотрбне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Гóсподи, прими и наша в час сей молитвы и исправи живót наш к заповедем Твоим, дýши наша освяти, телеса очисти, помышления исправи, мысли очисти и избави нас от всякия скорби, зол и болезней, оградí нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, амíнь.

Гóсподи помилуй. (Трижды.)

Слава Отцу и Сыну и Святому Духу и ныне и присно и во веки веков. Амíнь.

Честнейшую Херувим и славнейшую без сравнения Серафим, без истления Бóга Слова рóждшую, сущую Богородицу, Тя величаем.

Именем Господним благослови, óтче.

Иерей: **Бóже, ущедри ны и благослови ны, просвети лице Твое на ны и помилуй ны.**

Чтец: **Амíнь.**

Чтец: **В**ладыко Гóсподи, Иисусе Христэ, Бóже наш, долготерпéвый о наших согрешениях и да́же до нынешняго часа́ приведый нас, вóньже, на Животворящем Дре́ве ви́ся, благоразумному разбойнику иже в рай путесотворил еси́ вход и сме́ртию смерть разрушил еси́: очисти нас, грешных и недостóйных раб Твоих, согрешихом бо и беззакóнновахом и не́смы достóйни возвести́ очеса́ наша и воззрети на высоту́ Небесную, зане́ оставихом путь правды Твоея́ и ходихом в во́лях серде́ц наших. Но мо́лим Твою́ безме́рную бла́гость: пощади́ нас, Гóсподи, по мно́жеству ми́лости Твоея́, и спаси́ нас И́мене Твоего́ ра́ди свята́го, я́ко исчезоша в суете́ дне́е наши, изми́ нас из руки́ сопроти́внаго, и оста́ви нам грехи́ наша, и умертви́ плотско́е наше́ мудрова́ние, да, вѣтхаго отложи́вше челове́ка, в но́ваго облеце́мся и Тебе́ поживе́м, нашему́ Влады́це и Благоде́телю. И та́ко, Твоим послéдующе повеле́нием, в вѣчный поко́й достигнем, иде́же есть всех веселя́щихся жили́ще. Ты бо еси́ вои́стинну и́стинное весе́лие и ра́дость лю́бящих Тя, Христэ́ Бóже наш, и Тебе́ сла́ву возсыла́ем со Безнача́льным Твоим Отце́м, и Пресвяты́м, и Благо́м, и Животворя́щим Твоим Духом, ны́не, и присно, и во ве́ки веков, амíнь.

По окончании 9 часа священник возглашает:

Иерей: **Благословен Бог наш всегда, ны́не и присно, и во ве́ки веков.**

Хор: **Ами́нь.**

Чтец: **Приидите, поклонимся Царéви нашему́ Бóгу.**

Приидите, поклонимся и припаде́м Христу́ Царéви нашему́ Бóгу.

Приидите, поклонимся и припаде́м Самому́ Христу́, Царéви и Бóгу нашему́.

ПСАЛОМ 103:

Чтец: **Б**лагослові, душе моя, Господа; Господи, Боже мой, возвеличился еси зело, во исповедание и в велелепоту облелся еси. Одейся светом, яко ризою, простираяй небо, яко кожу. Покрываяй водами превиспренность Свою, полагаяй облаки на восхождение Свое, ходяй на крилу ветреню. Творяй Ангелы Своя духи, и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды. От запрещенія Твоего побегнут, от гласа грома Твоего убоятся. Восходят горы, и нисходят поля в место, еже основал еси им. Предел положил еси, егже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тих птицы небесныя привитают, от среды камня дадут глас. Напаяяй горы от превиспренных Своих, от плода дел Твоих насытится земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедри Ливанстии, ихже еси насадил. Тамо птицы вогнездытятся, еродиево жилище предводительствует ими. Горы высокие еленем, камень прибежище заяцем. Сотворил еси луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии; скимни рыкающие, восхитити и взыскати от Бога пищу себе. Возсия солнце, и собращая, и в ложах своих лягут. Изыдет человек на дело свое, и на делание свое до вечера. Яко возвеличишася дела Твоя, Господи, вся премудростию сотворил еси: исполнися земля твари Твоея. Сие море великое и пространное, тамо гади, ихже несть числа, животная малая с великими. Тамо корабли преплавают, змий сей, егже создал еси ругатися ему. Вся к Тебе чают, дати пищу им во благо время. Давшу Тебе им, соберут; отверзшу Тебе руку, всяческая исполнятся благодати. Отвращшу же Тебе лице, возмзутся: отымеши дух их, и исчезнут, и в персть свою возвратятся. Послеши Духа Твоего, и созиждутся, и обновши лице земли. Буди слава Господня во веки, возвеселится Господь о делех Своих. Призираяй на землю, и творяй ю трястися; прикасайся горам, и дымятся. Воспою Господеви в животе моем, пою Богу моему, дондеже есмь. Да усладится Ему беседа моя, аз же возвеселюся о Господе. Да исчезнут грешницы от земли, и беззаконницы, якоже не бити им; благослові, душе моя, Господа.

Солнце позна запад свой; положил еси тму, и бысть ночь.

Яко возвеличишася дела Твоя, Господи, вся премудростию сотворил еси

Слава Отцу и Сыну и Святому Духу, и ныне и присно и во веки веков. **А**минь.

Аллилуиа, аллилуиа, аллилуиа, слава Тебе Боже. *(Трижды)*

ВЕЛИКАЯ ЕКТЕНИЯ:

Диакон: Мíром Гóсподу помóлимся.

Хор: Гóсподи, помíлуй.

Диакон: О Свѣшнем мíре и спасѣнии душ наших, Гóсподу помóлимся.

О мíре всего мíра, благостоянии Святѣх Бóжиих Церквѣй и соединѣнии всех, Гóсподу помóлимся.

О святѣм хра́ме сем и с вѣрою, благоговѣнием и стра́хом Бóжиим входящих во нь, Гóсподу помóлимся.

О вели́ком Господíне и Отцѣ нашем Святѣйшем Патриárхе **Кири́лле**, и о Господíне нашем, Высокопреосвященнейшем митрополíte (*или:* архиепíскопе, *или:* преосвященнейшем епíскопе *имярек*), честнѣм пресвѣтерстве, во Христѣ диа́констве, о всем прѣчте и лю́дех, Гóсподу помóлимся.

О Богохранíмей странѣ нашей, властѣх и вóинстве ея, Гóсподу помóлимся.

О гра́де сем (*или* о вѣси сей), всѣяком гра́де, странѣ и вѣрою живу́щих в них, Гóсподу помóлимся.

О благорастворѣнии возду́хов, о избóилии пло́дов земных и вре́менех мíрных, Гóсподу помóлимся.

О пла́вающих, путешѣствующих, недугующих, стра́ждущих, пленѣнных и о спасѣнии их. Гóсподу помóлимся.

О избáвиться нам от всѣякия скóрби, гнѣва и нýжды, Гóсподу помóлимся.

Заступí, спасí, помíлуй и сохрани нас, Бóже, Твоею благодáтию.

Пресвятую, Пречíстую, Преблагословѣнную, Слáвную Владѣчицу нашу Богорóдицу и Приснодѣву Марíю, со все́ми святѣми помяну́вше, са́ми себѣ и друг дру́га, и весь живóт наш Христú Бóгу преда́дим.

Хор: Тебѣ, Гóсподи.

Иерей: Я́ко подобáет Тебѣ всѣякая слáва честь и поклонѣние, Отцú и Сýну и Святóму Дúху, ны́не и прѣсно и во вѣки веко́в.

Хор: Амíнь.

Гóсподи, воззва́х, глас 2:

Хор: Гóсподи, воззва́х к Тебѣ, услы́ши мя./ Услы́ши мя, Гóсподи./ Гóсподи, воззва́х к Тебѣ, услы́ши мя:/ вонмí глáсу молѣния моего́,/ внегда́ воззва́ти ми к Тебѣ./ Услы́ши мя, Гóсподи.

Да испрáвится моли́тва моя́,/ я́ко кади́ло пред Тобóю,/ возде́яние руку́ моею́/ – жѣртва вечерня́я./ Услы́ши мя, Гóсподи.

Стихи́ры Праздника, глас 2:

На 6. Стих: А́ще беззакóнныя на́зриши, Гóсподи, Гóсподи, кто постои́т?// Я́ко у Тебѣ очище́ние е́сть.

Стихи́ра: Приидíte, возра́дуемся Гóсподеви,/ насто́ящую та́йну сказа́юще:/ средостѣние градѣжа разруши́ся,/ пла́менное ору́жие плещí даёт,/ и Херувíм отступáет от дрѣва жи́зни,/ и аз ра́йския пи́щи причаща́юся,/ от негóже произгнán бых преслушáния ра́ди;/ неизмѣнный бо о́браз Отѣчь,/ о́браз присносу́щия Егó,/ зрак раба́ приѣмлет, от Неискусобра́чныя Мáтере прошѣд,/ не преложѣние претерпѣв, е́же бо бе пребы́сть, Бог Сый íстинен,/ и е́же не бе прíят, Человѣк быв человеколóбныя ра́ди./ Тому́ возопи́м: рожде́йся от Дѣвы Бóже, помíлуй нас.

Стих: И́мене ра́ди Твоегó потерпѣх Тя, Гóсподи, потерпѣ душа́ моя́ в сло́во Твое́, упова́ душа́ моя́ на Гóспода.

Стихира: Приидите, возрадуемся Гóсподеви,/ настоящую тайну сказующе:/ средостение градѣжа разрушїся,/ пламенное ору́жие плещї даёт,/ и Херувїм отступáет от дрѣва жїзни,/ и аз райскїя пїщи причащаюся,/ от негóже произгнán бых преслушáния рáди;/ неизмѣнный бо óбраз Отéчь,/ óбраз присносущїя Егó,/ зрак рабá приёмлет, от Неискусобращнїя Мáтере прошéd,/ не преложéние претерпéв, éже бо бе пребысть, Бог Сый їстинен,/ и éже не бе прїят, Человéк быв человеколóбїя рáди.// Томú возопїим: рождéйся от Дéвы Бóже, помїлуй нас.

На 4. Стих: **От стра́жи ўтреннїя до нóщи, от стра́жи ўтреннїя,// да уповаёт Израїль на Гóспода.**

Стихира: Гóсподу Исусу рóждшуся от Святїя Дéвы,/ просветїшася всяческа: / па́стырем бо свиря́ющим и волхвóм поклоня́ющимся,/ А́нгелом воспевáющим,/ Ёрод мятáшеся, // я́ко Бог во плóти явїся, Спас душ нáших.

Стих: **Я́ко у Гóспода мїлость, и мнóгое у Негó избавлéние, // и Той избáвит Израїля от всех беззакóний егó.**

Стихира: Гóсподу Исусу рóждшуся от Святїя Дéвы,/ просветїшася всяческа: / па́стырем бо свиря́ющим и волхвóм поклоня́ющимся,/ А́нгелом воспевáющим,/ Ёрод мятáшеся, // я́ко Бог во плóти явїся, Спас душ нáших.

На 2. Стих: **Хвалїте Гóспода вси язýцы, // похвалїте Егó вси лю́дие.**

Стихира: Цáрство Твоé, Христé Бóже, Цáрство всех векóв,/ и Влады́чество Твоé во всяком рóде и рóде,/ воплотївыйся от Дúха Святáго и от Приснодéвы Марїи вочеловéчивыйся,/ свет нам возсия́, Христé Бóже, Твоé прише́ствие;/ Свет от Свéта, Óтчее сия́ние,/ всю тварь просветїл есї́,/ всякое дыхáние хвалит Тя./ Óбраз слáвы Óтчїя,/ Сый, и прэ́жде Сый, // и возсия́вый от Дéвы, Бóже, помїлуй нас.

Стих: **Я́ко утвердїся мїлость Егó на нас, // и їстина Госпóдня пребывáет во век.**

Стихира: Чтó Тебé принесём, Христé,/ я́ко явїлся есї́ на землї я́ко Человéк нас рáди?/ Кáяждо бо от Тебé бївших твáрей благодарéние Тебé принóсит:/ А́нгели – пéние; небесá – звездú;/ волсвї – дáры; па́стырие – чúдо;/ земля́ – вертéп; пусты́ня – ясли;/ мы же – Мáтерь Дéву.// Ёже прэ́жде век, Бóже, помїлуй нас.

Глас 6:

Слáва Отцú и Сýну и Святóму Дúху и ны́не и прїсно и во вéки векóв. Амїнь.

Хор: **Слáва в Вы́шних Бóгу, / и на землї мир, / днесь восприёмлет Вифлеём Седя́щаго прїсно со Отцём, / днесь А́нгели Младéнца рождénнаго боголéпно славослóвят: / слáва в Вы́шних Бóгу, / и на землї мир, // в челове́цех благово́ление.**

Вход с кадїлом:

Дїакон: Премúдрость, прóсти.

СВѢТЕ ТИХИЙ:

Хор: Свѣте Тѣхий святѣя славы Безсмертнаго Отца Небеснаго, Святаго, Блаженнаго, Иисусе Христѣ! Пришедше на запад солнца, видевше свет вечерний, поем Отца, Сына и Святаго Духа, Бога. Достойн еси во вся времена пет быти гласы преподобными, Сыне Божий, живот дай; темже мир Тя славит.

Диакон: Вонмем.

Иерей: Мир всем.

Хор: И духови твоему.

Диакон: Премудрость вонмем. Прокимен Великий:

Кто Бог велий, яко Бог наш? / Ты еси Бог, творяй чудеса.

Хор: Кто Бог велий, яко Бог наш? / Ты еси Бог, творяй чудеса.

Диакон: Сказал еси в людех силу Твою

Хор: Кто Бог велий, яко Бог наш? / Ты еси Бог, творяй чудеса. *(На каждый стих).*

Стих 2. И рех: ныне начах, сия измена десницы Вѣшняго.

Стих 3. Помянух дела Господня, яко помяну от начала чудеса Твоя.

Диакон: Кто Бог велий, яко Бог наш?

Хор: Ты еси Бог, творяй чудеса.

ЕКТЕНИЯ СУГУБАЯ:

Диакон: Рцем вси от всея души, и от всего помышления нашего рцем.

Хор: Господи, помилуй.

Диакон: Господи Вседержителю, Боже отец наших, молим Ти ся, услыши и помилуй.

Хор: Господи, помилуй.

Диакон: Помилуй нас, Боже, по велицей милости Твоей, молим Ти ся, услыши и помилуй.

Хор: Господи, помилуй. *(Трижды, на каждое прошение)*

Диакон: Еще молимся о Великом Господине и Отце нашем Святейшем Патриархе **Кирилле**, и о Господине нашем Высокопреосвященнейшем митрополите *(или: архиепископе, или: преосвященнейшем епископе **имярек**)*, и всей во Христѣ братии нашей.

Еще молимся о Богохранимей стране нашей, властях и воинстве ея, да тихое и безмолвное житие поживем во всяком благочестии и чистоте.

Еще молимся о блаженных и приснопамятных создателях святаго храма сего, и о всех преждепочивших отцев и братьях, zde лежащих и повсюду, православных.

Еще молимся о милости, жизни, мире, здравии, спасении, посещении, прощении и оставлении грехов рабов Божиих настоятеля, братии и прихожан святаго храма сего.

Еще молимся о плодоносящих и добродѣющих во святем и всечестнем храме сем, труждающихся, поющих и предстоящих людех, ожидающих от Тебѣ великия и богатыя милости.

Иерей: Яко Милостив и Человеколюбец Бог еси, и Тебѣ славу возсылаем, Отцу и Сыну и Святому Духу, ныне и присно и во веки веков.

Хор: Аминь.

Сподоби, Господи:

Хор: Сподоби, Господи, в вечер сей без греха сохранитися нам. Благословен еси, Господи, Боже отец наших, и хвально и прославлено имя Твое во веки. **Аминь.**

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святыи, просвети мя оправданиями Твоими.

Господи, милость Твоя во век, дел рук твоих не презри. Тебе подобает хвала, Тебе подобает пение, Тебе слава подобает. Отцу и Сыну и Святому Духу, ныне и присно и во веки веков. **Аминь.**

ЕКТЕНИЯ ПРОСИТЕЛЬНАЯ:

Диакон: Исполним вечернюю молитву нашу Господеви.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Вечера всего совершенна, свята, мирна и безгрешна у Господа просим.

Хор: Подай, Господи. *(На каждое прошение)*

Диакон: Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезненны, непостыдны, мирны и добраго ответа на Страшнем Судищи Христове просим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живот наш Христу Богу предадим.

Хор: Тебе, Господи.

Иерей: Яко Благ и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Хор: Аминь.

Иерей: Мир всем.

Хор: И духови твоему.

Диакон: Главы наша Господеви приклоним.

Хор: Тебе, Господи.

Иерей: Буди держава Царствия Твоего благословена и препрославлена. Отца и Сына и Святаго Духа, ныне и присно и во веки веков.

Хор: Аминь.

СТИХИРЫ НА СТИХОВНЕ:

Стихиры Праздника, глас 8:

Стихира: Преславное таинство устрояется днесь, / обновляется естество, / и Бог Человек бывает, / еже бе пребысть, и еже не бе прият, // ни смешения претерпев, ниже деления.

Стих 1: Из чрева прежде денницы роди́х Тя, кля́тся Го́сподь и не раска́ется.

Стихира: Го́споди, в Вифле́ем прише́д, в верте́п всели́лся еси́,/ Не́бо престо́л име́я, в я́слех положи́лся еси́,/ Егóже во́инства окружа́ют А́нгел,/ па́стырем снизше́л еси́, // да спасе́ши, я́ко Милосе́рд, род наш, сла́ва Тебе́.

Стих 2: Рече́ Го́сподь Го́сподеви моему́: се́ди одесну́ю Мене́.

Стихира: Ка́ко изрекú вели́кое та́инство?/ Безплóтный воплоща́ется,/ Сло́во одебелева́ет,/ Невидимый ви́дится,/ и Неосяза́емый осяза́ется,/ и Безнача́льный начина́ется./ Сын Бо́жий Сын Челове́чь быва́ет, // Иису́с Христóс вчера́ и днесь, То́йже и во ве́ки.

Сла́ва Отцу́ и Сы́ну и Свято́му Ду́ху и ны́не и прísно и во ве́ки веко́в. Ами́нь.

В Вифле́ем стекóшася па́стырие,/ и́стиннаго возвеща́юще Па́стыря,/ се́дящаго на Херувимех/ и возлежа́щаго в я́слех Младенца/ зрак воспри́ймша нас ра́ди, // Го́споди, сла́ва Тебе́.

МОЛІТВА СВЯТАГО СИМЕОНА БОГОПРИЙМЦА:

Хор: Ны́не отпу́щаеши раба́ Твоего́, Влады́ко,/ по глаго́лу Твоему́, с ми́ром;/ я́ко ви́деста о́чи мой спасе́ние Твое́,/ е́же еси́ угото́вал пред лицем всех люде́й,/ свет во открове́ние язы́ков, // и сла́ву люде́й Твои́х Изра́иля.

ТРИСВЯТО́Е ПО О́ТЧЕ НАШ:

Чтец: Святы́й Бо́же, Святы́й Кре́пкий, Святы́й Безсме́ртный, поми́луй нас. *(Трижды)*

Сла́ва Отцу́ и Сы́ну и Свято́му Ду́ху, и ны́не и прísно и во ве́ки веко́в. Ами́нь.

Пресвята́я Трóице, поми́луй нас; Го́споди, очисти́ грехи́ на́ша; Влады́ко, прости́ беззакóнныя на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, поми́луй. *(Трижды)*

Сла́ва Отцу́ и Сы́ну и Свято́му Ду́ху, и ны́не и прísно и во ве́ки веко́в. Ами́нь.

О́тче наш, И́же еси́ на Небесе́х, да святит́ся и́мя Твое́, да при́дет Ца́рствие Твое́, да бу́дет во́ля Твоя́, я́ко на Небеси́ и на земли́. Хлеб наш насущный да́ждь нам днесь; и оста́ви нам до́лги на́ша, я́коже и мы оставля́ем должникóм на́шим; и не введи́ нас во искуше́ние, но изба́ви нас от лука́ваго.

Иерей: Я́ко Твое́ есть Ца́рство и си́ла и сла́ва Отца́ и Сы́на и Свята́го Ду́ха, ны́не и прísно и во ве́ки веко́в.

Хор: Ами́нь.

ТРОПА́РЬ РОЖДЕСТВА́ ХРИСТО́ВА, ГЛАС 4:

Хор: Рожде́ство Твое́, Христé Бо́же наш,/ возсия́ ми́рови свет ра́зума,/ в нем бо звезда́м служа́щий/ звездо́ю уча́хуся/ Тебе́ кланя́тися, Со́лнцу Пра́вды,/ и Тебе́ ве́дети с высоты́ восто́ка. // Го́споди, сла́ва Тебе́.

Диáкон: Премудрость.

Хор: Благословѣ.

Иерей: Сый благословѣн Христос Бог наш, всегда, ныне и присно и во веки веков.

Хор: Аминь. Утверди, Боже, святую православную веру, православных христиан во век века.

Иерей: Пресвятая Богородице, спаси нас.

Хор: Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

Иерей: Слава Тебе, Христэ Боже, Упование наше, слава Тебе.

Хор: Слава, и ныне. Господи, помилуй. *(Трижды)* Благословѣ.

Иерей произносит отпуст в открытых царских вратах:

МНОГОЛѢТИЕ:

Хор: Великаго Господина и Отца нашего **Кирилла**,/ Святѣйшаго Патрїарха Московскаго и всея Русї,/ и Господина нашего *(Высоко-)* Преосвященнейшаго *(имярек),/ (архи-)епископа (митрополита (титул)),/* богохранимую страну нашу Россійскую,/ настоятеля, братию и прихожан святаго храма сего/ и вся православныя христианы,// Господи, сохрани их на многая лета.